

آبونه شرائطی : هریر ایچون
سنه لکی (۲۷۵) آلتی آیلنی
(۱۵۰) خارج ایچون سنه لکی
۳۲۵ غروشدور .

نسخه بی ۵ غروشدور .
ایکی نسخه برآراده
(۱۰) غروشدور .
سنه لکی ۵۲ عددور .

اداره خانه : باب عالی جاده سنده
رشید افندی خاتمه

اخطارات
آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیر اعاده اولنماز .

تذکره

۱۳۳۰

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

آدره من تبدیلنه ایریجه
۵ غروش کوندرملیدر .

مکتوبلرک امضاری واضح
و او قوناقلی اولسی و آبونه
صره نومروسی محتوی
بولوغسی لازمدر

ممالک اجنبیه ایچون آبونه
اولانلرک آدرسلرینک
فرانسه یازلسی رجا اولنور .

یاره کوندرلدیکی زمان نهیه
دائر اولدینی بیلدیرلسی
رجا اولنور

اتبعون اهدکم سنیل از شاد

هندستانه خرافات جمعیتی

مطبوعات یومیہ مز، (شیخ حسین قیدوای) ک خلافت جمعیتک حساباتی حقنہ یازدینی برمکتوبی، انکلیزمطبوعانندن نقلایازمشاردی .
مطبوعات یومیہ مز یالکز شیخ مشیرک مکتوبی نشر ایتکله افکار اسلامیہ دہ ہندستان خلافت جمعیتی حقنہ مادتا برسوء ظن حاصل اید جک برتاؤپر تولید ایتدیلر . چونکہ شیخ (مشیر حسین قیدوای) ک مکتوبی خلافت جمعیتک سوء استعمالاندن ناحث اولدقدن باشقہ جمعیتک فسحقی دہ الزام ایدیوردی . شیخ (مشیر حسین قیدوای) ہندستانک افاضل رجالتنددر . مومی الیہ بالخاصہ دعوائی اسلامک مدافعہ سی خصوصندہ یک مهم خدمتلدہ بولومشدر . آناطولی مجاہدہ سی ہنوز ایلک تشکل زمانلرندہ ایکن بو ہندلی دینداشمز انکلیزجہ الیہ جہاد ملیمیزک مطلقا مظفر اولاجفی تبشیر ایدن یک کوزل رسالہ لر نشر ایتمش ودعوا مزک مشروعیتی کمال بلاغتہ مدافعہ ایشدی . بناء علیہ شیخ (مشیر حسین) ک شخصیتی بزجہ محترمدر . فقط ہندستاندہ انتشار ایدن غرتہ لہ مطلع اولارق مقابل طرفک سوبلہ دکارتی دہ دیکلہ یوب وضعیت حقیقیہ اکلادقدن صوکرہ مومی الہک برآز مبالغہ کارانہ نشر یاندہ بولوندیغی کوردک . مسئلہ بوندن عبارتدر :

خلافت جمعیتی طرفندن آناطولی بہ یاردم ایچون ۱۹۲۱ سنہ سنک ایلولڈق اعتبارا وقوع بولان تبرعات خلافت جمعیتک رئیس (سید جوتانی) بہ مومی الہک ادارہ سندہ بولونان مؤسسۂ تجارتیہ تودیع اولومشدر . ۱۹۲۲ سنہ سنک حزیرانہ قدر ۱۲ لاق [۱] روسیہ انقرہ کوندرلش وچن سنہ نک توزندہ سید جوتانی تزدندہ ہم ربارہ بولوندیغی اکلاشلمشدر . بونک اوزرینہ خلافت جمعیت مرکزہ سی ۱۸ تہوز ۱۹۲۲ اجتماعندہ انقرہ بہ ۱۰۰،۰۰۰،۰۰۰ روسیہ کوندرلماشہ قرار ویردی . ۱۹۲۲ سنہ سنک تشرین اولہ قدر بوقرارہ توفیقاً سید جوتانی طرفندن بارہ کوندریلہ مش، بناء علیہ خلافت جمعیت مرکزہ سی مومی الہدن بونک سببی صورمشدر . سید جوتانی مبلغ مذکورک تقاضیت الیہ درت آی ظرفندہ انقرہ کوندرلہ جکفی تأمین ایتمش ایسہ دہ ینہ بارہ کوندریلہ مشدر . بوسنہ نک قانون نانسیندہ ہیئت مرکزہ سید جوتانی بی مؤاخذہ ایتمش . فقط مومی الہک ہند حکومتیلہ آرہ سندہ منعقد مقاولانک کافہ سی فسحق ایدلدیکندن عظیم ضررلہ دوچار اولماسنہ مبنی مبلغ مذکور تادیبندن عاجز بولوندیغی اکلاشلمشدر . (سید جوتانی)، کندی مؤسسہ سنہ تودیع اولونان بارہ بہ مقابل تأمینات لازمیہ اعطایہ آمادہ بولوندیغی سوبلہ مش، فقط ہیئت اعضایی (۳۰۰،۰۰۰) روسیہ نک انقرہ بہ ارسالہ متباقی مبلغک تأمین اوزرندہ اصرار ایشدر . معافیہ سید جوتانی آنحق ۵۰۰۰

[۱] بر (لاق) یوز یک روسیہ در .

وضعیتہ صوقدقدن صوکرہ شیمدی دہ تیارو صحنہ لرندہ آقتریسک ایدہ پیلہ سنی ایلری سورمہ بہ باشلادیلر . آکلادیلورکہ بزدہ مدیت و ترقی دینیلن شی ہب قادیندن عبارتدر . صانکہ مملکتک ہر طرفی رفاه و عمران ایچندہ یوزیور، فاریقلر ایشلہ یور، بوتون احتیاجاتی ملت کندیبی استحصال ایدیور، ثروت وسعادت طاشیوردہ اکلنچہ ایچون یالکز تورک خانلرینک شانولرہ چیمسی قالیور اہیات ا . ملت بوکون نہ حالہہ ایکلہ یور، اوکا رہبرلک ایدہ جک برطاقیم محررلدہ نہ قافادہ کزیور ! انسان بونلری کوردکجہ واللہ حیرت ایدیور . آجلقدن بوکون اک دکری معلمر اولیور ؛ اون بیکلر جہ زواللی مأمورلر برلقمہ اکک دردیلہ خان چکیشیور . ایکنہ دن اییلکہ قدر ہرشی اوروپالان کلیور . ہرطرف فقر وسفالت ایچندہ یوزیور . دیگر طرفدن آلتی بیکدن فضلہ میخانہ متصل زہر صاجیور، بیکلر جہ تورک و مسلمان فاحشہ سی ملتک عرض و ناموسنی بیقیور . بو قدر مصائب و فحایع قارشیسندہ کوز یاشلری دوکدرک ملتک دردیہ دوا بولایہ چالیشاجق پردہ تورک قادیغی صحنہ بہ چیقارتہ بی دوشونک ... طوغروسی ، جوق شایان تأسف بر حالدر .

عجبا او شانویہ چیقہرق بزی اکلندیرمسی ایستہ دیکمز تورک و مسلمان قیزی بو وضعیتہ دوشدکدن صوکرہ مسعودی اولہ جقدر ؟ عجبا بوتوصیہ دہ بولونان ذوات ؛ کندی افراد عالہ لرینہ منسوب برقادینک، بر قیزک آقتریسک ایتسی وجدانلرینہ صیغدرہ بیلزلری ؛ او حالہہ ناصیل اولوردہ بزم برہمشیرہ مز دیمک اولان ہرہانکی برتورک و اسلام قیزینک شانولرہ چیقوب یار و اغیاری اکلندیرمسی ایستہ یورلر ؟ تورکک بیکلر جہ سنہ نک بوتون تاریخی تدقیق ایدیکز ، اورادہ عفت و عصمتدن باشقہ ہرشی بولہ مایہ جقسکز . باخصوص اسلامی قیول ایتدکدن صوکرہ دین مینک شعائر میجلہ سنہ ہر قومدن زیادہ صارلش و بوسایہ دہ عفت و اخلاقیلہ بین الاقوام تمایز ایتمش بو نجیب ملتک معصوم قیزلری کندی بزی اکلندیرمک ایچون شانولرہ قدر چیقارتیق روامیدر ؟ برقاچ کیمسہ سز قیز بولہرق ، اولنرہ شوندن بوندن بحث ایدہ رک، نظرلری برسراب مغفلہ جویرہ رک شانویہ چیقارتیق، آقتریسک ایتدیرمک او قدر کوچ برشی دکلددر . فقط بو زواللی قیزجفلرک حیاتلرندن باشقہ قوجہ بر ملتک بیکلر جہ سنہ نک آداب وشعائرینک بیقیلمسنہ ناصیل رضا کوسترسکیز ؛ بو بنای عفتک طرافتہ اہدامی بزلری دکل ، کوکاری بیلہ ایکلہ دیر . ملتک آداب وشعائر دینیہ سی محافظہ بی تکفل ایتمش اولان قانونلریزدن بومادہ لرک قالمش اولدیغی دہ فرض ایتسہ کینہ بوقہرمان ، بواصل ، بوفداکار ملتک الک مقدس الک صمیمی حسنہ قارشئی بوحقارت روا کورولمز . یارہ لی بر ارسالک یارہ سنہ نیشتہ صوقولماز . محترم مطبوعاتمزدن جوق رجا ایدرکہ ملتک مقدساتنہ لطفاً برآز حرمتکار بولونسونلر .

انکلیز لیراسی کوندرمکہ موفق اولمشدر . بناء علیہ ہیئت مرکزہ کنڈیسی تأمینات لازمی ویرمکہ دعوت ایتش و مومی الیہ بومبای دہ ایکی تحتہ فابریسی الیہ بر تحتہ استوقی تقدیم ایتشدر . لدی الحساب بو تأمینانک مبالغ مطلوبی اورتہ چکی اکلاشلقمقدہ در .

بو ایضا حاندن اکلاسیلیور کہ جمع اولونان تبرعاتک وقتندہ ارسال اولونامسی خلافت جمعیتک برسوء استعمالی دکلدرد .

مسئلہ بوندن عبارت اولدیغندن و خلافت جمعیتی مسلمانلرک خلافت ایچون طولیادقلری پاره بی تأمین ایندیکنندن (شیخ مشیر) ک دیدیکی کئی جمعیتی فسحہ قدر کیتمکده معنی یوقدر . بوکئی حادثات هر جمعیتک باشندن کچن شیردر . باخصوص پاره بی محافظه ایدن مؤسسہ تجاریہ ، آنجق هندستان حکومتی طرفندن دوچار اولدیغی برضربہ دن طولای ، تبرعاتی وقتندہ ویرمہ مشدر . بناء علیہ شید چونانینکده عدم مسئولیتی تبین ایتمکده در .

حادثہ بوندن عبارت اولدیغندن خلافت جمعیتی حقندہ هیچ بر سوء ظن حاصل اولمایه جفی آشکاردر .

دین و سیاست

هندستانک (بومبای) شهرندہ انکلیزجه الیہ انتشار ایتمکده اولان (بومبای قرونیکل) غزنیسنک (دین و سیاست) سرلوحہ سبلہ یازدیغی بر مقالہ بی عیناً ترجمہ ایدیورز :

سیاستلہ دینی مزج ایندی کمزدن طولای اکثریا اوروپالیر ، بعضآدہ ہندیلیر بزی مؤاخذہ ایدرلر . سیاسیات ، شہسز ، بر او یونجاق دکلدرد . دنیایی اداره علیدر . نوع بشرک مسعودیت و رفاهیتی واسع مقیاسدہ اوکا باغلیدر . اوروپالیرک سیاستی برقرار مرتبہ سنہ ایندیرمہلری و بوکون ، جہانی ایچندن چیقلماز بحرانلرہ دوشوردیکی کئی خریستیانلق مفکورہ سنک مقدرات بشر اوزرنده اجرای تأثیر ایتہ سنہ مانع اولمشدر . تجیل اولونان برانسانک حیات و مسلکی بر نمونہ امتثال عد ایتہ دجہ اون یالکیز تجیل ایتک نسبتہ قولای اولور . فقط بوتجیل اولونان انسانک تالیمہ اطاعت ، اوکا اقتدا ایتک اولدجہ مشکل برایشدر . ایتک ادوارندن اعتباراً خریستیانلق قولای طرفی التزام ایدرک ہم کندی ایچون ، ہم انسانلر ایچون ہائلہ انکیز نتیجہ لہ دسترس اولدی . خریستیانلق موقع اقتداری اشغال ایتدی . فقط بر دین اولقی صفتیلہ زمام اقتداری الہ آلامادی . چونکہ مسیح دیورکہ « ہم ملکوتہ بودنیادہ دکلدرد . » یعنی اونک شخصی موقیتی وظفیری بو عالہ عائد دکلدرد . اتباعنہ اثنای عبادتہ : « ملکوتک کلین ، ارادہ ک یردہدہ ، کوکدہدہ جاریدر » دیمہ لرخی امر ایدن بریفمبر ملکوت الہینک بودنیادہ اولمادیغی اوکرہ تمک ایستہ مدیکی آشکاردر . حضرت عیسانک اتباعی آرز ، پرستیدہ کافی چوقدر . و بو پرستشکارلر اون خدای طانیور . ملکوت الہینک بودنیادہ اولمادیغی تعلیم ایندیکی ظن الہ اداره دنیایی غیرقابل اصلاح عدا ایتشدر و سیاستک دین الیہ بورویہ میہ جکنہ ذاہب اولمشدری . هیچ بر دیندار شرقی بونقطہ نظری قبول ایدہ منر . خریستیانلق کرچہ شرقدہ دوغدی ، فقط غربدہ انکشاف ایتدی . هندستانہ خریستیانلق هیچ بر علاقہ سی اولمادیغی مدنیت ماسکسیلہ کوروندی .

منور ہندستانلیر خریستیانلق مقدماتی رد ایتدکری حالہ ، میخانیکی قوتی معلوم اولان مدنیت اوغورندہ نتایجی قبول ایتک ایستہ دیر . بوضوطلہ بر طاقم ہندیلیر دینی سیاستدن آری طاقملہ ہنلکریغی صاتمیش اولدیلر . « ہنلکریغی صاتمیش اولدیلر » دیورز ، چونکہ اوروپا سیاستلیرک مکرراً دیدیکی کئی « ملاحظات اخلاقیہ نک سیاستدہ یری یوقنہ » اقوام متبوعہ نک حققری ، حقسزلقلری ، اونلرہ قارشی ہرملکک وظائفی کئی مسائل موضوع بحث اولاماز . مسئلہ بی ہانکی دستور الیہ افادہ ایتک ایسترسہ ک ایدہ لم ، شو حقیقت دائما تظاہر ایدرکہ نظامات و شرائط موجودہ نک داخل و خارجندہ عدالت نامنہ وقوع بولاجق ہر طلب ، موقت ملاحظاتدن دہا یوکسک مجرد بر قانون حقہ استناد ایتہ سی لازمدر . بویہ بر قانون اعلانک خواہشلہ قبولی آسیانک قوتی تشکیل ایدر . بویہ بر مسئلہ دہہ ، بالخاصہ بویہ بر زماندہ ، آسیانک تالیمینی اہمالندن طولای اک مدہش بحرانلرہ دوچار اولان اوروپانک نقطہ نظریغی قبول ایتک اتجار آمیز ، هیچ اولماز سہ مجنونانہ بر حرکتدر . مہاتما غاندینک تعلیماتی دائرہ سنندہ حرکت ایدوب ترک موالات [یعنی حکومتہ عدم اطاعت] پروگرامی قبول ایتہ مزک سیلرندن بری دہ بودر .

بوتون اوروپا متفکرلرچہ شو حقیقت تظاہر ایتشدرکہ دینک سیاستندن آیرماسی بشریتی مہادی فلاکتلرہ سوروکلمدن باشقہ بر نتیجہ تولید ایتز . اوروپادہ دوشونن آدملرک کافہ سی یکدیگرلہ مجادلہ ایدن اقوامی تطمین الیہ دنیایی قورتارہ جق بر دستور بولقلہ مشغولدرلر . مسئلہ ، اوروپانک دساتیر عملیہ سنی دساتیر فکریہ سبلہ تألیفدر . (رونہ سانس) و تجمدد دورندن اعتباراً اوروپالیر درلو درلو نفوذلر آلتندہ قالمشدر ، بالخاصہ « ملاحظات اخلاقیہ نک سیاستدہ محلی اولمادیغی » دستورنچہ نک فضلہ اہمیت ویرمشلر ایسہ بو دستورک چوروکلکی مللرک وتاریخک محضاً ملاحظات اخلاقیہ الیہ عاکہ اولوناماسندن ولااخلاق سیاستلرک دعوالریغی اخلاقی اساسلرہ استناداً افادہ ایتہ لرندن اکلاشلقمقدہ در .

بوتون اقوام آرتق بو اساسلردن بیقدی . قومونیستلر ، سوسیالیستلر ، فاسنیستلر ، سندیقالیستلر ہمسی دہ بالان و نفاق الیہ آلودہ اولان اسکی سیستہ ملردن قورتولارق مستقیم ، ثابت بر شی آرایورلرکہ بونی اوروپانک یالکیز باشقہ بولامایہ جفتہ امیز . فقط بو آرائیلان اساسی اوروپا الیہ آسیا برلکدہ بولایلیر ، بر جوق اوروپایی متفکرلر آسیایہ امید الیہ باقیورلر . فقط شیمدیکی احوال سیاسیہ دوام ایتدجہ اوروپا باشقہ آنجق فلاکتلر کلہ جکدر . مہاتما غاندینک حرکت دینیہ سنی اوروپالیر تعقیب ایتدکری فکرلر و مقصدلرہ قیاس ایتسینلر . (اللہ اکبر) سوزی بر حقیقتکدہ افادہ سیدر . بوکا ایمان ایدنلر هیچ بر وقت سیاستی دیندن آیرمہ مازلر .

منع مسکرات حقندہ بر مطالعہ

(بومبای قرونیکل) غزنیسی منع مسکراتک استانبولہ تطبیقی

حقندہ شو ملاحظہ بی درمیان ایدیورز :

شرق مللتری کرک مشرب و مزاجلریلہ کرک دینی عنعنات الیہ مسکراتدن متفردرلر . اگر ہندستان کندی سیاستی تمینندہ سربست اولسہ و بتون مملکتندہ آرای عامیہ مراجعت ایدلسہ اہالی اکثریت غالبہ الیہ منع مسکرات لہندہ رأی ویردی .

تورککری ، منع مسکرات قانونک استانبولہ تطبیقتہ جساتلرندن دولای تبریک ایدہ رز . کرچہ اوروپایی تجار آغستوس ابتداسنہ قدر ممنوعیتی تأخیر ایتدیرمکہ موفق اولمشلرسہدہ نہ بو موقت تأخیرلر ، نہدہ وارداتک تناقصی ایدیشہلری تورککری یوللرندن آلیقویہ میہ جقدر . تورککری فقیرلردر ، فقط پارہ بی اخلاقک فوقندہ عد ایدہ جک درجہدہ « مترق » دکلدردلر .